

Na osnovu člana 8. stav 2. i člana 54. stav 1. Zakona o radu u institucijama BiH („Službeni glasnik BiH“ br.: 26/04, 7/05 i 48/05), člana 8. Odluke o uvjetima i načinu prijema pripravnika VII stepena stručne sprema u radni odnos u institucije Bosne i Hercegovine („Službeni glasnik BiH“ broj: 52/05), te Odluke o potrebi prijema pripravnika u 2009. godini, broj: 01-34-2-1108/09 od 15.04.2009.godine, **Uprava za indirektno oporezivanje BiH Banja Luka** raspisuje

JAVNI OGLAS
za prijem pripravnika u radni odnos na određeno vrijeme,
u trajanju od godinu dana

Regionalni centar Banja Luka

1/01 diplomirani ekonomista više izvršilaca
1/02 diplomirani pravnik više izvršilaca

Regionalni centar Tuzla

2/01 diplomirani ekonomista više izvršilaca
2/02 diplomirani pravnik više izvršilaca

Regionalni centar Sarajevo

3/01 diplomirani ekonomista više izvršilaca
3/02 diplomirani pravnik više izvršilaca

Regionalni centar Mostar

4/01 diplomirani ekonomista više izvršilaca
4/02 diplomirani pravnik više izvršilaca

Opis poslova: Pripravnici će obavljati poslove u svrhu osposobljavanja za samostalan rad u okviru svoje struke.

Opći uvjeti: Kandidat mora ispunjavati sljedeće opće uvjete: da ima navršenih 18 godina života, da je državljanin BiH, da protiv kandidata nije pokrenut krivični postupak za krivično djelo za koje je predviđena kazna zatvora za tri i više godina ili da mu nije izrečena zatvorska kazna za krivično djelo učinjeno s umišljajem u skladu s krivičnim zakonima u BiH; da kandidat nije obuhvaćen odredbom člana IX. stav 1. Ustava BiH (da nije pod optužnicom Međunarodnog tribunala za bivšu Jugoslaviju u Hagu i da se nije odbio povinovati naredbi da se pojavi pred Tribunalom) i da je fizički i psihički sposoban za obavljanje poslova.

Posebni uvjeti: pod rednim brojevima *1/01, 2/01, 3/01 i 4/01*: visoka stručna sprema (VII stepen), stručni naziv ***diplomirani ekonomista, stečen na ekonomskom fakultetu***, a pod rednim brojevima *1/02, 2/02, 3/02 i 4/02*: visoka stručna sprema (VII stepen), stručni naziv ***diplomirani pravnik, stečen na pravnom fakultetu*** i osposobljenost za rad na računaru.

Pripadajuća osnovna neto plata: 899,64 KM (utvrđena shodno članu 28. Zakona o platama i naknadama u institucijama BiH)

Prijavljivanje na oglas vrši se dostavljanjem ***prijave na potpuno i uredno popunjenom obrascu*** (koji se može pribaviti putem web stranice Uprave www.uino.gov.ba (*Poslovne usluge - Konkursi*), kao i na recepciji Središnjeg ureda Uprave za indirektno oporezivanje u Banjoj Luci, te u Odsjeku za pružanje usluga u Regionalnim centrima Banja Luka, Sarajevo, Tuzla i Mostar), ***sa svim potrebnim dokumentima***, neposredno ili putem pošte preporučeno, ***na adresu: Uprava za indirektno oporezivanje Središnji ured Banja Luka, Ulica Bana Lazarevića bb, s naznakom «javni oglas za prijem pripravnika».***

Potrebni dokumenti: uvjerenje o državljanstvu (ne starije od 6 mjeseci); uvjerenje da se protiv kandidata ne vodi krivični postupak (ne starije od 3 mjeseca), fakultetska diploma, uvjerenje o prosjeku ocjena u toku studija ili indeks, dokaz da kandidat nema ostvaren radni staž od jedne godine nakon sticanja VII stepena stručne sprema (uvjerenje izdato od Zavoda za zapošljavanje ili radna knjižica), ***sve u ovjerenim fotokopijama.***

Rok za podnošenje prijava: ***21.04.-05.05.2009.godine***

Napomene: - *Nepotpune i neblagovremene, kao i prijave kandidata koji ne ispunjavaju opće i posebne uvjete, bit će odbačene;*

- *Prednost pri izboru kandidata imat će kandidati s većom prosječnom ocjenom ostvarenom u toku studija, a kod diplomiranih ekonomista-završenog računovodstvenog smijera*
- *Uvjerenje o fizičkoj i psihičkoj sposobnosti za obavljanje poslova, ne starije od 3 mjeseca, izabrani kandidati dužni su dostaviti prije zasnivanja radnog odnosa.*

DIREKTOR
Kemal Čaušević